

«MOTTAKERNAVN»
«ADRESSE»
«POSTNR» «POSTSTED»

Trondheim, 01.06.2017

Dykkar ref.:
[Dykkar ref.]

Vår ref.:
2017/1832

Sakshandsamar:
Geir Rune Rauset

Skadefelling av jervetispe med ungar i Sjørdalen i Bodø kommune, Region 7 Nordland, 2017

Miljødirektoratet set etter eige tiltak i verk skadefelling av jervetispe med ungar i yngelokalitet J-NNO-035 Sjørdalen-Skjevelvfjellet, Bodø kommune, rovviltregion 7. Miljødirektoratet v/Statens naturoppsyn (SNO) er ansvarleg for gjennomføring av fellingsforsøket. Skadefelling vert gjennomført for å hindre skade på sau og tamrein.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Grunnlag for skadefelling av jerv i Noreg 2017", "Beslutning om ekstraordinært uttak av jerv i Saltfjellet Reinbeitedistrikt, Region 7 Nordland, i 2017" datert 22. februar 2017 og "Skadefelling av jerv i delar av Saltfjellet RBD, Nordland - Region 7 - 2017" datert 1. juni 2017 (tilgjengeleg i Miljøvedtaksregisteret: www.miljovedtak.no). Vi viser vidare til "Søknad om skadefelling av jerv og gaupe i Bodø og Saltdal kommune" frå Saltdal kommune 21. april 2017.

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadepotensiale for sau er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiert forvaltning er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk uttak av jerveynghing i nærare avgrensa område i Nordland, region 7.

Følgjande vilkår er knytt til iverksetjing av felling:

1. Ynglande tise med ungar kan fellast i ynglelokalitet J-NNO-035 Sjørdalen-Skjevelvfjellet, Bodø kommune.

2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett *Instruks for det statlige fellingslaget ved uttak av vilt*.

3. Vedtaket gjeld i tidsrommet 9-12. mai 2017.

4. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette brevet vert sendt til rovviltneimnda, fylkesmannen, kommunar og politidistrikt, Klima- og miljødepartementet, Landbruks- og matdepartementet og Mattilsynet.

Løyve til felling av ynglande tise med ungar vart gjeve pr. telefon og i e-post til SNO 9. mai 2017. Nemnda og Fylkesmannen vart vidare informert. Same dag (9. mai 2017) vart to ungar avliva i Sjørdalen. Det vart gjort vidare forsøk på felling av tisa 9 og 10. mai, men den vart ikkje felt.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.